

Serdang: Penghidap kanser pada tahap safu dan dua mempunyai 90 peratus kadar untuk sembuh jika dikesan dan mendapat rawatan awal.

Namun, tidak ramai mengetahuinya kerana kebanyakannya masyarakat tidak mempunyai maklumat tepat mengenai rawatan dan penjagaan penyakit berkenaan.

Justeru, kewujudan Pusat Sumber dan Pendidikan Kanser (CaRE) di Universiti Putra Malaysia (UPM) dilihat berpotensi menjadi sumber rujukan utama pendidikan dan sokongan kepada pesakit kanser di negara ini.

Pengarahnya, Prof Datin Dr Rozi Mahmud berkata, pusat sumber itu memiliki lebih 1,000 koleksi bahan bacaan pendidikan kanser dan ia diwujudkan bagi membantu memudahkan masyarakat mendapat maklumat dan pengetahuan berkaitan penyakit berkenaan.

Menurutnya, selain bahan bacaan, CaRE menyediakan terapi sosial dan kerohanian seperti khidmat kaunseling untuk pesakit kanser, pasangan atau ahli keluarga serta menyediakan peluang ber-



DARI kiri, Penolong Pendaftar Pusat Sumber dan Pendidikan Kanser (CaRE) UPM, Syakiratul Hasanah Rossidi, Dr Rozi, Timbalan Pengarah CaRE, Profesor Dr Sherina Mohd Sidik dan Pengasas CancerFly merangkap Pakar Perubatan Awam UPM, Dr M Sri Ganesh.

kongsi pengalaman, pengetahuan mengenai penyakit itu dan cara untuk berhadapan dengannya.

Kata beliau, pusat itu juga menyediakan khidmat kumpulan sokongan untuk ber-

kongsi pengalaman pesakit dan penjaga serta lawatan kerumah atau wad hospital.

“Dengan adanya pusat ini, masyarakat lebih mudah mendapatkan maklumat penyakit, cara rawatan, per-

batan dan tip penjagaan semasa serta selepas rawatan.

“Bahan rujukan dan pembelajaran berkaitan dengan kanser juga disediakan dalam bentuk yang mudah difahami,” katanya.

Hadir sama, Timbalan Pengarah CaRE Prof Dr Sherina Mohd Sidik dan Penolong Pendaftar, Syaakiratul Hasanah Rossidi.

Menurut Dr Rozi, pusat berkenaan juga berperanan untuk mempertingkatkan lagi kesedaran awal masyarakat terhadap penyakit kanser.

Katanya, selain sebagai pusat sumber rujukan, CaRE juga menyediakan perkhidmatan saringan awal kanser menggunakan mesin ultrasound yang juga salah satu kaedah bebas radiasi.

“Orang ramai tidak perlu bimbang mengenai bayaran kerana caj dikenakan minimum, sebagai contoh saringan awal di bahagian payu dara atau pelvis hanya RM60 manakala keseluruhan bahagian abdomen lain bermula pada RM160.

“Perkhidmatan saringan ini dikendalikan pakar radiologi di Tingkat 7, Blok Makmal A, Fakulti Perubatan dan Sains Kesihatan UPM, Serdang dan orang ramai boleh membuat temu janji menerusi talian 0389471011 atau 89472797,” katanya.